



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

ACTA DA SESIÓN EXTRAORDINARIA DO PLENO DO CONCELLO DE MESÍA CELEBRADA O DÍA 2 DE AGOSTO DE 2010.

ALCALDE:

D. Mariano Iglesias Castro PSdeG – PSOE

CONCELLEIRO/AS:

D. Antonio Quindimil García. PSdeG – PSOE

D. José Ángel Sánchez Sánchez. PSdeG – PSOE

D^a Pilar Sánchez Ulloa. PSdeG – PSOE

D. Gervasio Sánchez Barreiro. PSdeG – PSOE

D. José Fernando García Lesta PSdeG – PSOE

D. Severino Álvarez Monteserín. PP

D. Adolfo Grobas Vázquez PP

D^a María José Quindimil Suárez. PP

D. Pedro M. Pedreira Candal. BNG

D. Manoel Bello Salvado. BNG

Non asisten e se excusan

D. José Fernando García Lesta PSdeG – PSOE

D. Severino Álvarez Monteserín. PP

D^a María José Quindimil Suárez. PP

SECRETARIO:

D Eladio Bendaña Pardo.

En Mesía, a 2 de agosto de 2010, sendo as oito horas e trinta minutos, na Casa da Cultura do Concello, logo da convocatoria para o efecto, reuníronse, en primeira e pública convocatoria, os señores concelleiros que se relacionan na marxe, co obxecto de celebrar sesión extraordinaria do Pleno.

A tódolos asistentes entregáraselles copia da Orde do Día, cos asuntos para tratar, poñéndose á súa disposición o expediente da sesión e cumprindo os trámites esixidos pola normativa vixente. Estando presente o quórum necesario, polo Sr. Alcalde declárase validamente constituída a sesión. Pásase a continuación a tratalos seguintes asuntos incluídos na Orde do Día:

1. **FIXACIÓN DE FESTIVOS LOCAIS 2011.**

O Sr. Alcalde pásalle a palabra ó Secretario, que fai lectura da proposta que o seu teor literal di:

“D. MARIANO IGLESIAS CASTRO, Alcalde - Presidente do Concello de Mesía, tendo en conta o escrito do Departamento Territorial da Consellería de Traballo e Benestar onde se nos require para formular proposta aprobada polo Pleno da Corporación na que consten as datas concretas dos dous días de festa de carácter retribuído e non recuperable no ámbito deste Concello para o ano 2011.

Propoño o Pleno da Corporación a adopción do seguinte acordo:

Primeiro.- Propoñer como días festivos locais para o ano 2011, o día 8 de marzo, martes de Entroido; e o luns 13 de xuño, Santo Antón.



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Segundo.- Darlle traslado do presente acordo ó Departamento territorial da Consellería de Traballo e Benestar.

MESÍA, 27 de xullo de 2010. O alcalde, D. Mariano Iglesias Castro.”

Non habendo intervencións, o Alcalde somete a votación a proposta, acadándose o seguinte resultado: unanimidade dos concelleiros presentes.

2. MODIFICACIÓN DE CRÉDITOS POR SUPLEMENTO DE CRÉDITO SC 1/2010.

O Sr. Alcalde pásalle a palabra ó Secretario, que fai lectura da proposta que o seu teor literal di:

“Expte. Suplemento de Créditos (Ref. SC 01/2010)

PROPOSTA DE PRESIDENCIA Ó PLENO DO CONCELLO

Incoado por orde desta Presidencia expediente de modificación de crédito (referencia Suplemento de Crédito 01/2010), de conformidade co establecido no artigo 37 do R.D. 500/1990, do 20 de abril, e tralo estudo da proposta formulada e informe de Intervención, esta Presidencia somete o Pleno da Corporación o seguinte acordo:

Primeiro.- Aprobar inicialmente o expediente de modificación de crédito SC 01/2010, por un importe total de 3.525,87 euros, con cargo ó remanente de tesorería para gastos xerais, polo que se suplementará crédito nas aplicacións orzamentarias que de seguido se sinalan e polos importes que se consignan, para atender o incremento dos gastos nos proxectos do Fondo Estatal para o Emprego e a Sostenibilidade Local que se indican, e que ven motivado polo incremento do tipo impositivo do Imposto sobre o Valor Engadido do 16% ó 18%:

<i>Obra “ARRANXOS DE LOCAIS SOCIAIS NAS PARROQUIAS DE OLAS E VISANTOÑA, CASA DE CULTURA DE XANCEDA E SENDA PEONIL”</i>	<i>Aplicación orzamentaria 9.1029.63</i>	<i>1.190,01 euros</i>
<i>Dirección de obra “ARRANXOS DE LOCAIS SOCIAIS NAS PARROQUIAS DE OLAS E VISANTOÑA, CASA DE CULTURA DE XANCEDA E SENDA PEONIL”</i>	<i>Aplicación orzamentaria 9.1031.63</i>	<i>40,00 euros</i>
<i>Obra “ARRANXOS NO LOCAL SOCIAL DE MESÍA”</i>	<i>Aplicación orzamentaria 9.1032.63</i>	<i>2.221,19 euros</i>



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Dirección da obra “ARRANXOS NO LOCAL SOCIAL DE MESÍA”	Aplicación orzamentaria 9.1034.63	74,67 euros
	TOTAL:	3.525,87 euros

Segundo.- *Financialo suplemento de crédito con cargo o Remanente de Tesourería para Gastos Xenerais.*

Terceiro.- *Expoñer ó público o expediente, previo anuncio no Boletín Oficial da Provincia, e no taboleiro de edictos da Corporación, durante o prazo de quince días, contados a partir do seguinte ó da súa publicación no citado Boletín Oficial, para os efectos de exame e presentación de reclamacións ante o Pleno, segundo o disposto no artigo 177, en relación co 169 do RDL 2/2004, polo que se aproba o texto refundido da Lei Reguladora das Facendas Locais. O expediente entenderase aprobado definitivamente, sen necesidade de novo acordo plenario, si no preceptivo período de exposición pública, non se presentasen alegacións. Se se presentaran, serán resoltas polo Pleno.*

Mesía, 27 de xullo de 2010. O ALCALDE Asdo. Mariano Iglesias Castro.”

Non habendo intervencións, o Alcalde somete a votación a proposta, acadándose o seguinte resultado: unanimidade dos concelleiros presentes.

3. APROBACIÓN ORDENANZA FISCAL REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL A FAVOR DE EMPRESAS EXPLOTADORAS DE SERVIZOS DE SUMINISTROS DE INTERESE XERAL.

O Sr. Alcalde pásalle a palabra ó Secretario, que fai lectura da proposta que o seu teor literal di:

“PROPOSTA Ó PLENO PARA A APROBACIÓN DA ORDENANZA FISCAL REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL, A FAVOR DE EMPRESAS EXPLOTADORAS DE SERVICIOS DE SUBMINISTROS DE INTERESE XERAL

D. MARIANO IGLESIAS CASTRO, Alcalde - Presidente do Concello de Mesía, tendo en conta que este concello ten aprobada unha Ordenanza Fiscal reguladora da taxa por ocupacións do subsolo, solo e voo da vía pública, e tendo en conta asimesmo a singularidade dos elementos da taxa e da cuota tributaria cando o suxeito pasivo é unha empresa ou entidade explotadora de servizos de subministracións que resulten de interese xeral ou afecten á xeneralidade ou a unha parte importante do vecindario, e considerando o requerimento da Deputación da Coruña, que nos achega un modelo de Ordenanza que simplifica a xestión da antedita taxa, que asumirá por delegación deste Concello, cómpre aprobar a presente ORDENANZA FISCAL REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL, A FAVOR DE



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

EMPRESAS EXPLOTADORAS DE SERVICIOS DE SUBMINISTROS DE INTERESE XERAL.

É polo antedito polo que, de conformidade co artigo 17 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, e lexislación concordante, propoño ó Pleno a adopción do seguinte ACORDO:

PRIMEIRO.- Aprobar inicialmente a ORDENANZA FISCAL REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL, A FAVOR DE EMPRESAS EXPLOTADORAS DE SERVICIOS DE SUBMINISTROS DE INTERESE XERAL, que se transcribe como anexo ó presente acordo.

SEGUNDO.- Expor o expediente a información pública e audiencia ós interesados, previo anuncio no taboleiro de anuncios da casa do concello e no Boletín Oficial da Provincia, por un prazo de trinta días, para que poidan presentar as reclamacións e suxerencias que estimen oportunas, que, de producirse, resolverá o Pleno da Corporación.

TERCEIRO.- No suposto de que non se presenten reclamacións, entenderase automaticamente elevado a definitivo o presente acordo ata entón provisional, de conformidade co disposto no artigo 17.3 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais.

CUARTO.- O acordo definitivo, ou o provisional elevado automaticamente a definitivo, e o texto íntegro da ordenanza fiscal publicaranse no Boletín Oficial da Provincia. Entrará en vigor o día da súa publicación íntegra no BOP, e permanecerá en vigor en tanto non se acorde a súa derogación ou modificación expresa.

En Mesía, a 27 de xullo de 2010 O Alcalde, Asdo./ Mariano Iglesias Castro

ANEXO.- ORDENANZA FISCAL REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL, A FAVOR DE EMPRESAS EXPLOTADORAS DE SERVICIOS DE SUMINISTROS DE INTERESE XERAL.

Artigo 1º. Fundamento e natureza.

Ao abeiro do previsto nos artigos 57, 20 e 24.1 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, régúlase a taxa por utilización privativa ou aproveitamentos especiais constituídos no solo, subsolo e voo das vías públicas municipais, a favor de empresas explotadoras de servizos de subministros que resulten de interese xeral ou afecten á xeneralidade ou a unha parte importante do vecindario, que se rexerá pola presente Ordenanza fiscal.

Artigo 2º. Feito imponible.

1.- Constitúe o feito imponible da taxa o gozo da utilización privativa, ou os aproveitamentos especiais constituídos no solo, subsolo ou voo das vías públicas municipais, a favor de empresas ou entidades que utilizan o dominio público para prestar os servizos de subministros que resulten de interese xeral ou afecten á xeneralidade ou unha parte importante do vecindario.

2.- O aproveitamento especial do dominio público producirase sempre que para a prestación do servizo de subministro se deban utilizar antenas, instalacións ou redes que materialmente ocupan o solo, subsolo ou voo das vías públicas municipais, con independencia de quen sexa o titular de aquelas.



CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

3.- *En particular, comprenderanse entre os servizos referidos nos apartados anteriores, os subministros de auga, gas, electricidade, telefonía fixa, telefonía móbil e outros medios de comunicación, que se presten, total ou parcialmente, a través de redes e antenas fixas que ocupan o dominio público municipal.*

4.- *O pago da taxa regulada neste Ordenanza supón a exclusión expresa da exacción de outras taxas derivadas da utilización privativa ou o aproveitamento especial constituído no solo, subsolo ou voo das vías públicas municipais, necesarios para a prestación dos servizos de subministros de interese xeral.*

Artigo 3º. Suxeitos pasivos.

1. *Son suxeitos pasivos as empresas ou entidades explotadoras de servizos de subministro que resulten de interese xeral ou afecten á xeneralidade ou a unha parte importante do vecindario, tales coma os de abastecemento de auga, subministro de gas, electricidade, telefonía (fixa ou móbil) e outros análogos, así como tamén as empresas que explotan a rede de comunicación mediante sistemas de fibra óptica, televisión por cable ou calquera outra técnica, independentemente do seu carácter público ou privado.*

A estes efectos, inclúense entre as empresas explotadoras de ditos servizos as empresas distribuidoras e comercializadoras dos mesmos.

2. *Teñen a consideración de suxeitos pasivos as empresas ou entidades explotadoras a que se refire o apartado anterior, tanto se son titulares das correspondentes redes a través das cales se efectúen os subministros como se, non sendo titulares de ditas redes, sono de dereitos de uso, acceso ou interconexión ás mesmas.*

3. *Tamén serán suxeitos pasivos da taxa as empresas e entidades, públicas ou privadas, que presten servizos, ou exploten unha rede de comunicación no mercado, conforme ao previsto nos artigos 6 e concordantes da Lei 32/2003, de 3 de novembro, xeral de telecomunicacións.*

4. *As empresas titulares das redes físicas, ás cales non lles resulte aplicable o que se prevé nos apartados anteriores, están suxeitas á taxa por ocupacións do solo, o subsolo e o voo da vía pública, regulada na Ordenanza fiscal correspondente.*

Artigo 4º. Sucesores e responsables.

1. *As obrigas tributarias pendentes das sociedades e entidades con personalidade xurídica disoltas e liquidadas transmitiranse aos socios, copartícipes ou cotitulares, que quedarán obrigados solidariamente ata os límites seguintes:*

a) *Cando non exista limitación de responsabilidade patrimonial, a contía íntegra das débedas pendentes.*

b) *Cando legalmente se limitara a responsabilidade, o valor da cota da liquidación que lles corresponda.*

Poderán transmitirse as débedas devengadas na data de extinción da personalidade xurídica da sociedade ou entidade, aínda que non estean liquidadas.

2. *As obrigas tributarias pendentes das sociedades mercantís, nos supostos de extinción ou disolución sen liquidación, transmitiranse ás persoas ou entidades que sucedan, ou sexan beneficiarios da operación.*

3. *As obrigas tributarias pendentes das fundacións, ou entidades á que se refire o artigo 35.4 da Lei Xeral Tributaria, no caso de disolución das mesmas, transmitiranse aos destinatarios dos bens e dereitos das fundacións, ou aos partícipes ou cotitulares de ditas entidades.*



CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

4. As sancións que procedan polas infraccións cometidas polas sociedades e entidades ás cales se refiren os apartados anteriores esixiranse aos sucesores de aquelas, ata o límite do valor da cota de liquidación que lles corresponda.

5. Responderán solidariamente da débeda tributaria as persoas ou entidades seguintes:

a) As que sexan causantes ou colaboren activamente na realización de unha infracción tributaria. A súa responsabilidade exténdese á sanción.

b) Os partícipes ou cotitulares das entidades ás que se refire o artigo 35.4 da Lei Xeral Tributaria, en proporción ás súas respectivas participacións.

c) Os que sucedan por calquera concepto na titularidade de explotacións económicas, polas obrigas tributarias contraídas polo anterior titular e derivadas do seu exercicio.

Exceptúanse de responsabilidade as adquisicións efectuadas nun procedemento concursal.

6. Responderán subsidiariamente da débeda tributaria:

a) Os administradores de feito ou de dereito das persoas xurídicas que non teñan realizado os actos necesarios da súa incumbencia para o cumprimento das obrigas tributarias ata os límites seguintes:

- Cando se cometeron infraccións tributarias responderán da débeda tributaria pendente e das sancións.

- Nos supostos de cese das actividades, polas obrigas tributarias devengadas, que se atopen pendentes na data do cese, sempre que non tiveran feito o necesario para o seu pagamento e tomaran medidas causantes da falta do pagamento.

b) Os integrantes da administración concursal e os liquidadores de sociedade e entidades que non realizaran xestións necesarias para o cumprimento das obrigas tributarias devengadas con anterioridade.

7. A responsabilidade esixirase en todo caso nos termos e de acordo co procedemento previsto na Lei Xeral Tributaria.

Artigo 5º – Servizo de telefonía móbil – Base imponible e cota tributaria.

1. Para determinar a contía da taxa por utilización privativa ou aproveitamento especial do dominio público municipal por parte dos servizos de telefonía móbil, que precisan utilizar a rede de telefonía fixa instalada neste Municipio, aplicaranse as seguintes fórmulas de cálculo:

a) Base imponible

A base imponible, deducida da estimación do aproveitamento especial do dominio público polo servizo de telefonía móbil calcúlase:

$$BI = Cmf * Nt + (NH * Cmm)$$

Sendo:

Cmf = consumo telefónico medio estimado, en líneas de telefonía fixa, por chamadas procedentes de teléfonos móbiles. O seu importe para o exercicio 2010 é de 58,9 euros/ano.

Nt = Nº de teléfonos fixos instalados no Municipio, no ano 2008, que é de 926.

NH = 95% do número de habitantes empadroados no Municipio. No 2008: 2.881.

Cmm = Consumo medio telefónico, estimado por teléfono móbil por chamadas de móbil a móbil. O seu importe para o 2010 é de 279,1 euros/ano.

b) Cota básica:

A cota básica global determínase aplicando o 1,4 por 100 á base imponible:

$$QB = 1,4\% s/BI$$

$$\text{Cota tributaria/operador} = CE * QB$$

Sendo:



CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

CE = coeficiente atribuíble a cada operador, segundo a súa cota de participación no mercado, incluíndo as modalidades de pospago e prepago.

O valor da cota básica (QB) para o 2010 é de 12.022,27 euros.

c) Imputación por operador:

Para o 2010 o valor de CE e a cota trimestral a pagar por cada operador son os seguintes:

	CE	Cuota trimestral
Movistar	48,87%	1.468,81 €
Vodafone	33,10%	994,83 €
Orange	16,58%	498,32 €
Yoigo	0,71%	21,34 €
Otros	0,76%	22,84 €

As cotas trimestrais a satisfacer polos operadores relacionados son a cuarta parte do importe que resulta de aplicar o coeficiente CE á cota básica establecida no apartado b) de este artigo.

A efectos de determinar o coeficiente CE, os suxeitos pasivos poderán probar ante o Concello que o coeficiente real de participación no exercicio anterior ao de devengo da taxa foi inferior. Neste caso, as autoliquidacións trimestrais axustaranse aplicando o coeficiente acreditado polo obrigado tributario.

Artigo 6 - Outros servizos diferentes da telefonía móbil - Base impoñible e cota tributaria.

1. Cando o suxeito pasivo sexa titular da rede que ocupa o solo, subsolo ou voo das vías públicas, mediante a cal se produce o gozo do aproveitamento especial do dominio público local, a base impoñible está constituída pola cifra de ingresos brutos procedentes da facturación que obteñan anualmente no termo municipal as empresas ou entidades sinaladas no artigo 3 desta Ordenanza.

2. Cando para o gozo do aproveitamento especial a que se refire o apartado anterior, o suxeito pasivo utilizara redes alleas, a base impoñible da taxa está constituída pola cifra de ingresos brutos obtidos anualmente no termo municipal minorada nas cantidades que deba aboar ao titular da rede, polo uso da mesma.

3. Aos efectos dos apartados anteriores, teñen a consideración de ingresos brutos procedentes da facturación aqueles que, sendo imputables a cada entidade, fosen obtidos pola mesma como contraprestación polos servizos prestados neste termo municipal, en desenvolvemento da actividade ordinaria; só se excluirán os ingresos orixinados por feitos ou actividades extraordinarias.

A título enunciativo, teñen a consideración de ingresos brutos as facturacións polos conceptos seguintes:

a) Subministros ou servizos de interese xeral, propios da actividade da empresa que corresponden a consumos dos aboados efectuados no Municipio.

b) Servizos prestados aos consumidores necesarios para a recepción do subministro ou servizo de interese xeral propio do obxecto da empresa, incluíndo os enlaces na rede, posta en marcha, conservación, modificación, conexión, desconexión e substitución dos contadores ou instalacións propiedade da empresa.

c) Alugueres, canons, ou dereitos de interconexión percibidos de outras empresas subministradoras de servizos que utilicen a rede da entidade que ten a condición de suxeito pasivo.



CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

d) Alugueres que teñen que pagar os consumidores polo uso dos contadores, ou outros medios utilizados na prestación do subministro ou servizo.

e) Outros ingresos que se facturen polos servizos resultantes da actividade propia das empresas subministradoras.

4. Non se incluírán entre os ingresos brutos, a estes efectos, os impostos indirectos que gravan os servizos prestados nin as partidas ou cantidades cobradas por conta de terceiros que non constitúan un ingreso propio da entidade que é suxeito pasivo da taxa.

5. Non ten a consideración de ingresos brutos procedentes da facturación os conceptos seguintes:

a) As subvencións de explotación ou de capital que as empresas poidan recibir.

b) As indemnizacións esixidas por danos e prexuízos, ao menos que sexan compensación ou contraprestación por cantidades non cobradas que se han de incluír nos ingresos brutos definidos no apartado 3.

c) Os ingresos financeiros, como xuros, dividendos e calesqueira outros de natureza análoga.

d) Os ingresos realizados pola empresa para o seu inmovilizado.

e) As cantidades procedentes de alleamentos de bens e dereitos que forman parte do seu patrimonio.

6. As taxas reguladas neste Ordenanza esixibles ás empresas ou entidades sinaladas no artigo 3 desta Ordenanza, son compatibles con outras taxas establecidas, ou que poida establecer o Concello, pola prestación de servizos ou realización de actividades de competencia local, das que as mencionadas empresas sexan suxeitos pasivos.

7.- A contía da taxa determínase aplicando o 1,5 por 100 á base imponible definida neste artigo.

Artigo 7º. Período impositivo e devengo da taxa.

1. O devengo prodúcese coa entrada en vigor da presente ordenanza fiscal. Igualmente, a taxa devéngase co inicio do uso privativo ou o aproveitamento especial do dominio público local necesario para a prestación do subministro ou servizo cando se comeza a actividade e o 1 de xaneiro en exercicios sucesivos, sendo o período impositivo da taxa o ano natural.

Nos supostos de inicio ou cesamento na utilización ou aproveitamento especial do dominio público local necesario para a prestación do subministro ou servizo, procederase a aplicar o prorrateo trimestral, conforme ás seguintes regras:

a) Nos supostos de altas por inicio de actividade, liquidarase a cota correspondente aos trimestres que restan para finalizar o exercicio, incluíndo o trimestre no que ten lugar a alta.

b) No caso de baixas por cesamento de actividade, liquidarase a cota que corresponda aos trimestres transcorridos desde o inicio do exercicio, incluíndo aquel no que se orixina o cesamento.

2. A obriga do pagamento da taxa regulada nesta Ordenanza nace nos momentos seguintes:

a) Cando se trata de concesións ou autorización de novos aproveitamentos, no momento de solicitar a licenza correspondente.

b) Cando o gozo do aproveitamento especial a que se refire o artigo 1 desta ordenanza non requira licenza ou autorización, desde o momento en que se iniciou o citado aproveitamento. A tal efecto, enténdese que comezou o aproveitamento especial cando se inicia a prestación de servizos aos usuarios que o soliciten.

3. Cando os aproveitamentos especiais do solo, subsolo ou voo das vías públicas se prolongan durante varios exercicios, o devengo da taxa terá lugar o 1 de xaneiro de cada ano e o período impositivo comprenderá o ano natural.

Artigo 8º. Réxime de declaración e de ingreso – Servizos de telefonía móbil.



CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

1. As empresas operadoras de servizos de telefonía móbil relacionadas no artigo 5 desta Ordenanza deberán presentar a autoliquidación e efectuar o ingreso da cuarta parte resultante do que establece dito artigo nos meses de abril, xullo, outubro e decembro.
2. Outras empresas prestadoras de servizos de telefonía móbil presentarán su declaración en base aos parámetros establecidos no artigo 5 e tendo en conta o período de prestación efectiva dos servizos durante o ano 2010.
3. Unha vez concluído o exercicio 2010 os suxeitos pasivos que probaran, en base de datos oficiais, que a súa participación neste período diferira da porcentaxe aplicada a efectos do cómputo da taxa regulada na presente ordenanza, poderán solicitar a regularización procedente.

Artigo 9º. Réxime de declaración e ingreso - Outros servizos

1. Respecto aos servizos de subministro regulados no artigo 6º desta Ordenanza, establécese o réxime de autoliquidación para cada tipo de subministro, que terá periodicidade trimestral e comprenderá a totalidade dos ingresos brutos facturados no trimestre natural ó que se refira. O cese na prestación de calquera subministro ou servizo de interese xeral, comporta a obriga de facer constar esta circunstancia na autoliquidación do trimestre correspondente así como a data de finalización.
 2. Poderase presentar a declaración final o último día do mes seguinte ou o inmediato hábil posterior a cada trimestre natural. Presentarase ao Concello unha autoliquidación para cada tipo de subministro efectuado no termo municipal, especificando o volume de ingresos percibidos por cada un dos grupos integrantes da base impoñible, segundo detalle do artigo 6.3 desta Ordenanza. A especificación referida ao concepto previsto na letra c) do mencionado artigo, incluírá a identificación da empresa ou empresas subministradoras de servizos ás que se facturou cantidades en concepto de peaxe. A contía total de ingresos declarados polos suministros a que se refire o apartado a) do mencionado artigo 6.3 non poderá ser inferior á suma dos consumos rexistrados en contadores, ou outros instrumentos de medida, instalados neste Concello.
 3. As empresas que utilicen redes alleas deberán acreditar a cantidade satisfeita aos titulares das redes co fin de xustificar a minoración de ingresos a que se refire o artigo 6.2 da presente Ordenanza. Esta acreditación acompañarase da identificación da empresa ou entidade propietaria da rede utilizada.
 4. Expedirase un documento de ingreso para o interesado, que lle permitirá satisfacer a cota nos lugares e prazos de pago que se indiquen.
 5. Por razóns de custo e eficacia, cando a declaración trimestral dos ingresos brutos se derive unha liquidación de cota inferior a 6 euros, acumularase á seguinte. A presentación das autoliquidacións despois do prazo fixado no punto 2 deste artigo comportará a esixencia dos recargos de extemporaneidade, segundo o que prevé o artigo 27 da Lei Xeral Tributaria.
 6. A empresa "Telefónica de España, S.A.U.", á cal cedeu Telefónica, S.A. os diferentes títulos habilitantes relativos a servizos de telecomunicacións básicas en España, non deberá satisfacer a taxa porque o seu importe queda englobado na compensación do 1,9% dos seus ingresos brutos que satisface a este Concello.
- As restantes empresas do "Grupo Telefónica", están suxeitas ao pagamento da taxa regulada nesta ordenanza. En particular, Telefónica Móviles, S.A. está suxeita á taxa, nos termos regulados no artigo 5 da presente ordenanza.

Artigo 10. Infraccións e sancións.



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

- 1. A falta de ingreso da débeda tributaria que resulta da autoliquidación correcta da taxa dentro dos prazos establecidos nesta ordenanza, constitúe infracción tributaria tipificada no artigo 191 da Lei Xeral Tributaria, que se calificará e sancionará segundo dispón o mencionado artigo.*
- 2. O resto de infraccións tributarias que se poidan cometer nos procedementos de xestión, inspección e recadación desta taxa tipificaranse e sancionaranse de acordo co que se prevé na Lei Xeral Tributaria, no Regulamento Xeral das actuacións e os procedementos de xestión e inspección tributarias, aprobado polo Real Decreto 1065/2007 e na Ordenanza Xeral de Xestión, Inspección e Recadación dos ingresos de Dereito Público municipais.*
- 3. A falta de presentación de forma completa e correcta das declaracións e documentos necesarios para que se poida practicar a liquidación desta taxa constitúe unha infracción tributaria tipificada no artigo 192 da Lei Xeral Tributaria, que se calificará e sancionará segundo dispón o mencionado artigo.*

Disposición adicional 1ª – Actualización dos parámetros do artigo 5º

As ordenanzas fiscais dos exercicios futuros poderán modificar o valor dos parámetros Cmf, Cmm, NH, Nt, NH se así procede.

Se non se modifica a presente ordenanza, continuarán sendo de aplicación os parámetros establecidos para o exercicio 2010.

Se a presente ordenanza debe ser aplicada despois de 2010, as referencias a este ano, contidas nos artigos 5 e 8, deben entenderse realizadas respecto a cada un dos exercicios en que se implique a ordenanza.

Disposición adicional 2ª. Modificación dos preceptos da ordenanza e das referencias que fai á normativa vixente, con motivo da promulgación de normas posteriores.

Os preceptos desta Ordenanza fiscal que, por razóns sistemáticas reproduzan aspectos da lexislación vixente e outras normas de desenvolvemento, e aquelas nas que se fagan remisións a preceptos desta, entenderase que son automaticamente modificados e/ou substituídos, no momento en que se produza a modificación dos preceptos legais e regulamentarios de que traen causa.

Disposición derogatoria

Quedan derogados expresamente os apartados 2 a 6 do artigo 6 da Ordenanza fiscal reguladora da taxa por ocupacións do subsolo, solo e voo da vía pública do concello de Mesía.

Disposición final.

A presente Ordenanza fiscal, que foi aprobada provisionalmente polo Pleno da Corporación en sesión ordinaria celebrada o día 2 de agosto de 2010, entrará en vigor o mesmo día da súa publicación íntegra no Boletín da Provincia e será de aplicación a partir desta data, permanecendo vixente ata a súa modificación ou derogación expresa."

Pide a palabra o Sr. Pedreira, quen pregunta si esta nova regulación supón un aumento da recadación, ó que resposta o Sr. Alcalde que unicamente vai traducirse nunha mellora da xestión pola Deputación e a posibilidade de percibir anticipos a conta. Así mesmo, sinala o Sr. Pedreira que espera que o texto se traduza ó galego, ó que resposta o Sr. Alcalde que, obviamente, así se fará, o que sucede é que o modelo que nos remitiu a Deputación da Coruña, que é o que aquí se trae, mandárono en castelán.



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Non habendo máis intervencións, o Alcalde somete a votación a proposta, acadándose o seguinte resultado: unanimidade dos concelleiros presentes.

4. DELEGACIÓN NA DEPUTACIÓN DA CORUÑA DE COMPETENCIAS TRIBUTARIAS RELACIONADAS COA TAXA POR APROVEITAMENTO ESPECIAL DO DOMINIO PÚBLICO LOCAL A FAVOR DE EMPRESAS EXPLOTADORAS DE SERVIZOS DE SUMINISTROS DE INTERESE XERAL.

O Sr. Alcalde pásalle a palabra ó Secretario, que fai lectura da proposta que o seu teor literal di:

“PROPOSTA Ó PLENO PARA A DELEGACIÓN NA DEPUTACIÓN DA CORUÑA DE COMPETENCIAS TRIBUTARIAS RELACIONADAS COA TAXA POR APROVEITAMENTO ESPECIAL DO DOMINIO PÚBLICO LOCAL A FAVOR DE EMPRESAS EXPLOTADORAS DE SERVIZOS DE SUMINISTROS DE INTERESE XERAL.

D. MARIANO IGLESIAS CASTRO, Alcalde - Presidente do Concello de Mesía, vista a comunicación da Deputación Provincial da Coruña, na que sinala que vén de modificar as Bases para a prestación de servizos tributarios aos concellos da provincia, para posibilitar a asunción, por parte desta, da xestión, inspección e recadación da taxa pola utilización privativa ou aproveitamentos especiais constituídos no solo, subsolo ou voo das vías públicas municipais a favor de empresas explotadoras de servizos de subministración de interese xeral.

Co obxecto de que este concello sexa beneficiario desa posibilidade, propono ó Pleno o seguinte ACORDO:

PRIMEIRO.- Delegar na Deputación Provincial da Coruña a xestión, inspección e recadación voluntaria e executiva da taxa pola utilización privativa ou aproveitamentos especiais constituídos no solo, subsolo ou voo das vías públicas, a favor de empresas explotadoras de servizos de subministración de interese xeral. A xestión que poida ser obxecto de delegación, tanto pode afectar ao suposto xeral do artigo 24 do Real Decreto Legislativo 2/2004, do 5 de marzo, baseado no 1,5% dos ingresos brutos obtidos no termo municipal, como ao suposto especial da telefonía móbil.

SEGUNDO.- Abrir un período de exposición pública de 30 días hábiles dende a publicación deste acordo no Boletín Oficial da Provincia, para xeral coñecemento e presentación de alegacións.

TERCEIRO.- De presentarse alegacións, serán resoltas polo Pleno

CUARTO.- No suposto de que non se presenten alegacións, entenderase automaticamente elevado a definitivo o presente acordo.

En Mesía, a 27 de xullo de 2010. O Alcalde, Asdo./ Mariano Iglesias Castro”

Non habendo intervencións, o Alcalde somete a votación a proposta, acadándose o seguinte resultado: unanimidade dos concelleiros presentes.



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

5. COMPROMISO DO CONCELLO DE CONSIDERACIÓN DAS PROPOSTAS ELABORADAS AO LONGO DO PROXECTO “RECICLOMESÍA” POR PARTE DA CIDADANÍA EN RELACIÓN COA SUBVENCIÓN REGULADA POLA ORDE DE 18 DE XUÑO DE 2010 PARA A REALIZACIÓN DE PROXECTOS DE EDUCACIÓN PARA A SUSTENTABILIDADE VINCULADOS AO PXOM.

O Sr. Alcalde pásalle a palabra ó Secretario, que fai lectura da proposta que o seu teor literal di:

“D.Mariano Iglesias Castro, Alcalde do Concello de Mesía, ao abeiro do artigo 75 da Lei 7/1985, de 2 de abril, reguladora das bases de réxime local, e o artigo 13 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, de 28 de Novembro, EXPÓN:

En Mesía non existe recollida selectiva de residuos (excepto a recollida de vidro, que está a ter moi bo resultado). A recollida dos enseres voluminosos e dos plásticos agrícolas supoñen un enorme esforzo para o concello e son o exemplo que mostra a vontade medioambiental de Mesía.

A recollida selectiva, para que se faga correctamente debe pasar por dous puntos:

- 1.º Sensibilización e formación da poboación: que a poboación sexa coñecedora do seu funcionamento para que a reciclaxe funcione.*
- 2.º Consenso da xestión: que o proceso sexa consensuado para que as partes implicadas nel (concello, poboación e empresa de residuos) sexan eficientes coa parte que lles toca.*

Vista a Orde do 18 de xuño de 2010 pola que se aproban as bases e a convocatoria de subvencións a concellos para a realización de proxectos de educación para a sustentabilidade vinculados ao Plan Xeral de Ordenación Municipal.

Visto o proxecto “Reciclomesía” que se presentará para solicitar unha axuda ao abeiro da anterior Orde co fin de:

- Sensibilizar á poboación na problemática medioambiental do seu concello e permitirlle opinar sobre ela para buscar unha solución eficaz para todas as partes implicadas.*
- Xerar un proceso que dinamice á poboación e a faga participe das decisións que lles afectan e implicar á veciñanza na organización do concello o que fará que se interesen por conseguir os logros que se pretenden.*

Polo exposto propoño ao Pleno a adopción do seguinte acordo:

Primeiro.- Compromiso do concello de consideración das propostas elaboradas ao longo do proxecto “Reciclomesía” por parte da cidadanía co fin de solicitar unha axuda ao abeiro da dita Orde.

Mesía, 27 de xullo de 2010

O Alcalde, Asdo. /Mariano Iglesias Castro”



CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Toma a palabra o Sr. Alcalde, quen manifesta que co proxecto “Reciclomesía” trátase de sensibilizar á xente e que os cidadáns opinen, o que se pretende facer a través de charlas e diverso material divulgativo.

Pide a palabra o Sr. Pedreira, quen manifesta que é fundamental sensibilizar á xente no tema da recollida selectiva, pero nós insistimos en que é necesario que se faga efectiva a recollida, ó que resposta o Sr. Alcalde que tamén esa é a súa intención.

Non habendo máis intervencións, o Alcalde somete a votación a proposta, acadándose o seguinte resultado: unanimidade dos concelleiros presentes.

Non habendo máis intervencións, o Sr. Alcalde - Presidente, sendo as oito horas e cincuenta e cinco minutos, levanta a sesión, da que eu, Secretario - Interventor, certifico.

Visto e Prace,
O alcalde,